

PROVEDOR DE DIREITOS HUMANOS E JUSTIÇA



RELATÓRIU MONITORIZASAUN ESTADU EMERJÊNCIA

03 Maiu – 01 Juñu 2021

KONTEÚDU

KONTEÚDU	2
LISTA AKRÓNIMU	3
RELATÓRIU MONITORIZASAUN ESTADU EMERJÉNSIA.....	4
PARTE I - SUSESU, DEZAFIU NO REKOMENDASAUN.....	6
A. Susesu.....	6
B. Dezafiu no Rekomendasaun.....	7
PARTE II – REZUMU REZULTADU MONITORIZASAUN	10
A. Área Monitorizasaun.....	11
C. Uza Máskara	13
D. Fase Liman.....	13
E. Devér Jerál Kooperasaun	14
F. Devér Espesiál Kooperasaun ba Responsavel Rejonál, Munisipál no Lideransa Komunitária sira nian	15
G. Asuntu sira seluk	15
PARTE III – ATIVIDADE PDHJ	17
A. Tratamentu Kesar.....	17
B. Monitorizasaun	18
C. Intervensaun urjente liu husi rekomendasaun espesífika ba entidade sira.....	19
PARTE IV – TABELA I. REKOMENDASAUN HOSI PDHJ DURANTE ESTADU EMERJÉNSIA.....	20
PARTE V - TABELA II. FATIN MONITORIZASAUN.....	24

RELATÓRIU MONITORIZASAUN ESTADU EMERJÊNSIA

Períodu 03 Maiu – 01 Juñu 2021

Provedor Direitus Umanus no Justisa (PDHJ) nu'udar órgaun independente ida ne'ebé iha funsaun atu apresia no buka dalan atu atende sidadaun sira-nia kesar hasoru podér públiku, bele haree atu ida-idak la'o tuir lei ka lae, prevene injustisa no hala'o prosesu atu hadi'a injustisa. Órgaun ne'e iha kompetênsia ba defeza no promove direitus umanus, liberdade no garantia fundamentál sira-ne'ebé hatur iha artigu 27.º hosi Konstituisaun Repúblika Demokrátika Timor-Leste no Tratadu Internasionál Direitus Umanus ne'ebé mak Timor-Leste ratifika tiha-ona.

Espesifikamente regula iha artigu 7.º no 19.º husi Lei Nú. 3/2008, 22 Feveiru ne'ebé estabelese Rejime Estadu Sitiu no Estadu Emerjênsia, iha artigu 8.º no 9.º husi Lei Nú. 7/2021, 28 Abril, kona-ba Autorizasaun ba Renovasaun Deklarasaun Estadu Emerjênsia, no artigu 8.º no 9.º haktuir iha Dekretu Prezidente Repúblika Nú. 24/2021, 28 Abril 2021 rekoñese knaar no kompetênsia PDHJ nian hodi defende sidadaun sira nian direitu, liberdade no garantia fundamentál sira hodi prevene katak sidadaun sira la hetan ameasa ka violasaun ruma.

Estatutu PDHJ hatur iha Lei Nú. 7/2004, 05 Maiu, artigu 24.º, ne'ebé altera ho Lei Nú. 8/2009, fô kompetênsia ba PDHJ hodi halo fiskalizaun no rekomendasaun. PDHJ iha kompetênsia hodi supervizona funsionamentu podér públiku sira-nia lala'ok, nomeadamente Governu no órgaun públiku relevante, entidade privada-sira ne'ebé mak hala'o funsaun no servisu públiku.

Iha implementasaun EE-13 haktuir Dekretu Prezidente Repúblika Nú. 24/2021, 28 Abril 2021 hahú husi loron 3 Maiu to'o loron 01 Juñu 2021. Relatóriu ida ne'e haree no observa ba implementasaun medidas no ezekusaun Estadu Emerjênsia ba Dala Sanulu-Resin-Tolu (EE - XIII) no aplikasaun medidas tuir Dekretu Governu Nú. 14/2021, 29 Abril 2021 ne'ebé alteradu husi Dekretu Governu Nú. 15/2021, 5 Maiu.

Nune'e mós iha monitorizasaun durante EE-13 PDHJ halo observasaun tuir konteúdu husi Rezolusaun Governu (RG) sira. Iha EE-13 ne'e Governu mós aprova RG Nú. 44/2021, 29 Abril 2021, alterasaun dahuluk husi RG Nú. 32/2021, 09 Abril 2021 ne'ebé deklara situasaun kalamidade hodi verifika estragus ka danus ne'ebé mak provoka husi siklone tropikal Seroja, iha área Munisípiu Dili no aprova mós, iha tempu hanesan, RG kona-ba KO iha Munisípiu Dili. Maske Governu deklara situasaun kalamidade ne'e, Governu deside nafatin hodi aprova Rezolusaun Governu (RG) oioin durante EE-13 kona-ba KO iha Munisípiu Dili de'it no mantein SS iha Munisípius 9 mak hanesan: Ainaro, Baucau, Covalima, Dili, Ermera, Lautem, Liquiçá, Manufahi no Viqueque iha inísiu ba implementasaun EE-13, iha meiadu husi fulan Maiu Governu deside KO iha Munisípiu Dili no SS iha Munisípius 3 de'it maka hanesan: Munisípiu Dili, Baucau no Covalima no finál husi fulan Maiu mak deside aprova KO iha Munisípiu Dili no SS iha Munisípius 5 maka hanesan: Munisípiu Dili, Baucau, Covalima, Viqueque no Bobonaro. Munisípiu sira ne'e hetan atensaun maka'as tanba iha aumentu ba propagasaun husi COVID-19 ba populasan. RG sira kona-ba impozisaun SS no impozisaun

Konfinamentu KO ne'ebé aprova no alteradu durante períodu EE-13 iha tabela tuir mai ne'e:

Tabela Rezolusaun Governu kona-ba Serka Sanitária no Konfinamentu Obrigatóriu

Munisipius	Serka Sanitária	Konfinamentu Obrigatóriu
Dili	RG Nú. 49 /2021, 29 Abril ne'ebé alteradu husi RG Nú. 59 /2021, 12 Maiu, alteradu ba dala rua husi RG Nú.66/2021, 27 Maiu	RG Nú. 45 /2021, 29 Abril; alteradu husi RG Nú. 55 /2021, 5 Maiu; alteradu mós husi RG N.º 60 /2021, 12 Maiu; no alteradu husi RG Nú. 63/2021, 26 Maiu
Ainaro	RG Nú. 46 /2021, 29 Abril	
Baucau	RG Nú. 47/2021, 29 Abril ne'ebé alteradu husi RG Nú. 57 /2021, 12 Maiu; alteradu ba dala rua husi RG Nú. 64 /2021, 27 Maiu	
Covalima	RG Nú. 48 /2021, 29 Abril ne'ebé alteradu husi RG Nú. 58 /2021, 12 Maiu no alteradu ba dala rua husi RG Nú. 65/2021, 27 Maiu	
Ermera	RG Nú. 50 /2021, 29 Abril	
Lautem	RG Nú.º 51 /2021, 29 Abril	
Liquiçá	RG Nú.º 52 /2021, 29 Abril	
Manufahi	RG Nú.º 53 /2021, 29 Abril	
Viqueque	RG Nú.º 54 /202, 29 Abril no reimpoin SS tuir RG Nú. º 68 /2021, 27 Maiu	
Bobonaro	RG N.º 67 /2021, 27 Maiu	

PARTE I - SUSESU, DEZAFIU NO REKOMENDASAUN

A. Susesu

Durante Implementasaun Estadu Emerjénsia Dala Sanulu-Resin-Tolu (EE-13) PDHJ kontinua nafatin hala'o nia funsaun hodi halo monitorizasaun ba aplikasaun EE-13 husi Dekretu Prezidente Repúblika Nú. 24/2021, 28 Abril no mós monitorizasaun ba medidas prevensaun COVID-19 haktuir Dekretu Governu Nú. 14/2021, 29 Abril ne'ebé alteradu husi Dekretu Governu Nú. 15/2021, 5 Maiu, hodi aprova medidas ezekusaun ba Deklarasaun Estadu Emerjénsia-XIII.

PDHJ kontinua nafatin garante kontinuasaun servisu PDHJ nian hodi halo defeza no fiskalizasaun ba direitos, liberdades no garantias fundamentais sidadaun sira nian. No mós garante katak entidades relevantes sira nia responsabilidade durante implementasaun EE-13 tuir nafatin prinsípiu direitos umanus no governasaun di'ak.

PDHJ mós kontinua konfirma no rekoñese nafatin esforsu no servisu tomak ne'ebé maka Governu ho Parseiru Dezenvolvimentu Nasionál no Internasionál sira hala'o ona atu garante nafatin katak Timor-Leste iha kapasidade atu responde no hatan ba problema no asuntu sira ne'ebé mosu relasiona ho moras ka vírus COVID-19 ne'ebé agora dadaun hada'et no espalla komunitária iha munisípiu hotu iha Timor-Leste. Iha sorin seluk PDHJ elojia nafatin intervensaun no meius servisu hirak ne'ebé maka Governu liuliu husi pesoál saúde ne'ebé kontinua nafatin hala'o knaar hodi fahe informasaun ba comunidade kona-ba moras ka vírus COVID-19 no mós fahe informasaun ba paciente sira bainhira sira recupera husi COVID-19. Aleinde ne'e PDHJ mós kontinua louva intervensaun, servisu no esforsu tomak Governu nian atu mitiga no hakotu COVID-19 nia korente iha Timor-Leste liuhusi mantein implementasaun serka sanitária no konfinamentu obrigatóriu. Tanba liuhusi meu sira refere mak fasilita SIJK sira atu bele kontrola no halo intervensaun ne'ebé másimu ho forma proporsionál no mitiga ka halakon transmisaun komunitária COVID-19 iha Timor-Leste, liuliu iha Munisípiu Dili.

Nune'e mós PDHJ kontinua fô apresiasaun ba esforsu husi Ministériu Saúde ne'ebé kontinua halo intervensaun ba mitigasaun COVID-19 liuhusi dalan fornese vasina no mós fahe informasaun kona-ba vasina ba sidadaun hotu hodi hasa'e imunidade hodi bele hasoru moras COVID-19.

B. Dezafiu no Rekomendasaun

Iha implementasaun EE-13 PDHJ kontinua halo monitorizasaun ba iha RAEOA no Munisípiu sira hanesan: Baucau, Dili, Liquiça, Manufahi no Viqueque. Munisípiu sira seluk PDHJ la halo monitorizasaun relasiona ho rekursu finanseiru ne'ebé limitadu no mós tanba aplikasaun serka sanitária ne'ebé restrita hodi bandu ema nia movimentu husi munisípiu ida ba munisípiu seluk. Durante monitorizasaun períodu EE-13 ne'e PDHJ identifika dezafiu iha terenu nomos halo rekomendasaun ba órgan kompetente atu bele implementa hodi responde ba dezafiu sira ne'e. Informasaun detallu kona-ba dezafiu no rekomendasaun hirak ne'e maka hanesan tuir mai:

1. Implementasaun no Kumprimentus ba Lei no Regras

Iha munisípiu balun sei kontinua akontese falta kumprimentu husi comunidade nian ba implementasaun regras EE atu prevene moras COVID-19 no hakotu virus iha Timor-Leste atu labele hada'et boot liu tan hodi afeta ba ema hotu nia saúde. Dezafiu seluk maka hanesan falta kumprimentu husi comunidade nian ba regras SS no regras KO iha munisípiu Dili tanba regras hirak ne'ebé Governu hatuur ka aplika laiha kontrolu másimu husi autoridade seguransa no autoridade relevante.

Nune'e mós maioria comunidade balun iha Munisípiu hanesan Baucau, Dili, Liquiça no Manufahi sei kontinua la fiar katak moras COVID-19 hada'et komunitária ona iha Timor-Leste. Tanba maioria comunidade ne'ebé detetadu pozitivu lahó sintomas ka asintomátiku relasiona ho ida ne'e maka comunidade kontinua la kumpri regras prevensaun COVID-19 nian hanesan la uza máskara iha fatin públiku, la mantein distánsia, la evita halibur malu no mós la fase liman molok no depois asesu ba fatin públiku maske facilidade ba fase liman prepara ona.

Relasiona ho falta kumprimentus durante aplikasaun EE-13 PDHJ kontinua nafatin fô rekomendasaun ba Governu liuhusi entidades relevantes sira hanesan SIJK atu kontinua nafatin servisu ho másimu hodi fahe nafatin informasaun liuhusi sosializasaun ne'ebé intensivu ba comunidade sira hotu iha suku no mós fatin públiku kona-ba moras COVID-19 no mós medidas prevensaun COVID-19 hodi hametin liutan comunidade sira-nia koñesimentu no konxiénsia atu bele kumpri regras EE no medidas prevensaun COVID-19 tuir Dekretu Governu (DG) no Rezolusaun Governu (RG) hodi nune'e bele hamutuk mitiga no hakotu korenti virus COVID-19 iha Timor-Leste.

2. Impaktu Ekonomiku

PDHJ nia obervasaun haree katak comunidade hahu infrenta situasaun hamlaha tanba aplikasaun regras SS no KO hanesan publika iha media sosiál povu hamlaha iha Suku Wenunu, Metinaro; Suku Bahu, Baucau no Komunitade balun iha Paróquia Maria Auxiliadora dos Cristãos Comoro.

Nune'e, PDHJ rekomenda ba Estadu liuhusi Governu espesifikamente ba Ministériu relevante hodi kontinua nafatin hala'o esforsu másimu hodi haree fila fali ba medidas hirak ne'ebé implementa durante EE-13, hodi bele kria kondisaun atu hatán ba preokupasaun comunidade relasiona ona ho nesesidade bázika ne'ebé hetan impaktu husi aplikasaun SS no KO.

Iha alterasaun dahuluk ba Orsamentu Jeral do Estadu (OJE) 2021¹ liuhusi Lei Nú. 8/2021, 3 Maiu, ne'ebé mak estabesele iha artigu 18.º kona-ba akizisaun alimentus ba ema no família ne'ebé mak preziza aihan, nune'e mak PDHJ liuhusi karta ho nú. Ref.114/PDHJ/VI/2021 ne'ebé haruka ba SE. Primeiru-Ministru ho rekomendasaun ba Sentru Nasionál Lojístiku atu servisu hamutuk ho organizasaun naun-governamentál, autoridade lokál sira, konferénsia episkopál no mós ho instituisoens ensinu superiór sira hodi halo distribuisaun ba alimentus sira ne'e ho lais no efikás nune'e bele responde nesesidade populasun sira ne'ebé oras ne'e presija hela tulun.

3. Direitu ba Edukasaun

Tuir monitorizasaun estudante barak maka la asesu ba programa eskola husi uma tanba la asesu ba internet no koneksaun ladiak. PDHJ konsidera aula online la efektivu atu simu materia.

Nune'e, PDHJ hakarak rekomenda ba MEJD atu dezenvolve regulamentu ka meius ne'ebé própriu hodi fasilita estudante sira hotu hodi bele asesu ka akompaña hodi aprende ka eskola husi uma ho di'ak laiha impedimentu hodi nune'e garante nafatin estudante hotu sira nia direitu ba edukasaun. Hanesan mantein oras hanorin (online ba estudante sira durante aplikasaun EE nomos rekomenda nafatin ba MEJD atu garante orsamentu disponivel iha setor edukasaun hodi responde ba programa MEJD nian durante implementasaun EE. Rekomenda mos ba Ministério da Educação Juventude e Desporto atu hahu hikas aula prezensial wainhira estudante sira simu ona vasina kompletu.

¹ OJE 2021, Lei Nú. 14/2020, 29 Dezembru

4. Diseminasaun Informasaun

PDHJ haree iha terenu katak diseminasaun kona-ba vasina no moras COVID-19 iha suku no aldeia seidauk masimu.

Tanba ne'e, PDHJ rekomenda mos ba Ministeriu Saude liuliu SIJK no parte seluk atu halo sensibilizasaun kona-ba moras COVID-19 no vasina ba comunidade tomak iha nivel hotu iha Timor-Leste ho intensivu no masimu. Liu husi promosaun ne'ebe intensivu iha media hanesan radio, televizaun, brosur, media sosial. Nomos servisu hamutuk ho autoridade lokal atu kontinua habelar nafatin informasaun iha nivel suku no aldeia sira.

5. Atendimentu iha Hospital ba Pasiente inklui Pasiente ho Moras COVID-19

PDHJ haree katak atendimentu iha Sentru Saude no Hospital la imediata ba pasiente ho kondisaun emerjensia tanba tenki halo swab test molok hetan atendimentu ba pasiente sira. Hafoin rezultadu swab sai maka foin halo atendimentu ba pasiente ne'ebe PDHJ konsidera kleur no bele kauza ema nia vida.

Nune'e, PDHJ rekomenda ba Ministeriu Saude liuliu parte relevante atu haree fila fali implementasaun kona-ba protokolu atendimentu ba pasiente ne'ebe lao iha Sentru Saude no tau atensaun masimu ba pasiente no halo intervensaun imediata hodi salva ema nia vida. Aleinde ne'e rekomenda mos ba SIJK atu haketak pasiente moras bai-bain ho moras COVID-19 no atua ho lais hodi atende pasiente no halo swab test ba nia familia, atu bele hapara korenti virus ne'e ba fali ema seluk. Nomos atu kontinua fahe informasaun ba inan isin rua sira ne'ebe maka atu tur ahi fo informasaun atu molok semana ida antes atu partus tuir data kontrolu nian bele ba halo *Swab test* para atu fasilita atendimentu ba inan isin rua sira ne'ebe atu tur ahi ho di'ak no lais.

Iha sorin seluk, bazeia ba PDHJ nia esperiensa kona-ba Swab test obrigatoriu, hafoin rezultadu test sai, familia pasiente pozitivu laiha informasaun husi parte relevantes kona-ba swab test ba membru familia sira. Nune'e mos pasiente ne'ebe halo auto izolamentu iha uma laiha kontaktu husi parte relevante atu halo inspeksaun ba hela fatin no atensaun ba pasiente nia kondisaun saude.

Rekomenda ba Ministeriu Saude atu implementa Diploma Ministerial nu.29/2021, 7 Maiu² no Diploma Ministerial nu. 30/2021, 7 Maiu³ kona-ba auto izolamentu, aumenta pessoal saude hodi bele akompania pasiente sira ne'ebe halo autoizolamentu nomos halo swab test ba sira nia familia.

² Defini rekizitus minimus ba Saude no Ijene iha abitasaun hodi hetan autorizasaun atu kumpri izolamentu terapeutiku iha uma/rezidencia.

³ Defini regras sira kona-ba kumprimentu ba izolamentu terapeutiku obrigatoriu iha uma/rezidencia.

6. Facilidades

Haree ba numeru ba pasiente COVID-19 ne'ebé maka aumenta ba bebeik kuantidade facilidade iha fatin karantina no izolamentu limitadu nomos kondisaun husi fatin refere la favorável.

Aleinde ne'e, PDHJ mós rekomenda ba Ministériu Saúde no SIJK hodi fô atensaun másimu ba fornecimentu ekipamentus no facilidades hodi facilita pesoál saúde bainhira hala'o atendimentu ba pasiente COVID-19.

Relasiona ho fatin ne'ebé limitadu no qualidade fatin refere la favorável maka PDHJ rekomenda mós ba Ministériu relevante hodi konsidera no fô prioridade atu aumenta kuantidade fatin kuarantena no izolamentu ho facilidade sufisiente no ho qualidade ne'ebé diak hodi responde ba nesesidade.

7. Uza forsa esesiva

PDHJ mos haree katak numeru akontesementu ne'ebé autoridade seguransa sira liuliu PNTL halo hasoru comunidade uza forsa bainhira halo vijilansia ba kumprimentu regra EE.

Tanba ne'e, PDHJ mós continua nafatin rekomenda ba Ministériu Interiór (MI) liuliu instituisaun PNTL hodi servisu hamutuk nafatin ho Ministériu Saúde hodi halo diseminaun ba informaun intensivu kona-ba regras EE, medidas preventivas COVID-19 ba comunidade sira hotu. Nune'e mós rekomenda nafatin atu autoridade seguransa hala'o kontrolu másimu ba kumprimentu comunidade nian ba regras EE no medidas prevensaun COVID-19 ho profesionalidade no la viola direitus umanus.

PARTE II – REZUMU REZULTADU MONITORIZASAUN


Iha períodu implementasaun EE-13 PDHJ hala'o monitorizasaun a hodi haree kumprimentu comunidade sira nian kona-ba implementasaun regras EE ho medidas prevensaun COVID-19 iha Timor-Leste tuir Dekretu Governu Nú. 14/2021, 29 Abril, ne'ebé alteradu husi Dekretu Governu Nú. 15/2021, 5 Maiu, ne'ebé iha observasaun ne'e monitoriza liu ba regras sira hanesan distansiamentu sosiál, devér jerál kooperasaun no mós ba devér espesiál kooperasaun ba responsavel rejional, munisipál no lideransa komunitária sira nian. Nune'e, PDHJ halo mós monitorizasaun ba Rezolusaun Governu (RG) sira kona-ba SS ne'ebé implementa iha Munisípiu sira no regra KO ba populasaun iha Munisípiu Díli⁴. Aleinde ne'e mós PDHJ tuir no observa asuntu hirak ne'ebé mosu no relasiona ho aplikasaun SS no Ko ne'ebé publikadu iha média sosiál.

⁴ Haree detalhe lista RG iha tabela iha Pájina 5.

A. Área Monitorizasaun

PDHJ iha implementasaun EE-13 tuir Dekretu Prezidente Repúblika Nú. 24/2021, 28 Abril 2021 halo monitorizasaun ba regras EE, medidas prevensaun moras COVID-19 husi Dekretu Governu Nú. 14/2021, 29 Abril 2021, ne'ebé alteradu husi Dekretu Governu Nú. 15/2021, 5 Maiu, no mós regras SS no KO. Durante iha aplikasaun EE-13, PDHJ halo observaun ba fatin hamutuk haat nulu resin ualu (48) ne'ebé kompostu husi fatin hanesan servisu públiku, komérsiu, merkadu no lojas, distribuisaun sesta bázika, funerál, no via públicas, PDHJ hahu halo monitorizasaun ba atividades hirak ne'e husi loron 03 Maiu 2021. Detallu fatin monitorizasaun hatudu iha gráfiku 1, nia rezultadu maka hanesan iha fatin servisu públiku hamutuk fatin tolu nulu resin ida (31), komérsiu fatin rua (2), Merkadus iha fatin haat (4), funerál fatin ida (1), fatin ba distribuisaun sesta bázika hamutuk ualu (8), no via públicas rua (2).


Gráfiku 1. Área Monitorizasaun



B. Distansiamentu Sosiál

PDHJ halo observaun kona-ba distansiamentu sosiál tuir regras EE-13 artigu 12 nú. 1 alínea A. prevee distánsia sosiál metru ida ho ema seluk, hodi monitoriza bá iha fatin sira ne'ebé estabelese iha regras EE-13 maka hanesan fatin servisu públiku, komérsiu, via públicas, sesta bázika, funerál no merkadu. Rezultadu kona-ba kumprimentu distansiamentu pelu menus metru ida iha fatin sira ne'ebé mensiona iha leten maka hanesan iha gráfiku 2 tuir mai:

Gráfiku 2. Distansiamentu Sosiál



Liuhusi rezultadu monitorizasaun kona-ba distansiamentu sosiál hatudu katak maioria laiha distansiamentu iha fatin servisu públiku hamutuk sanulu-resin-neen (16), kompara ho mantein distánsia hamutuk sanulu-resin-lima (15), fatin komérsiu la mantein hamutuk rua (2). Nune'e mós iha fatin funeral la mantein ida (1), iha fatin merkadu mantein ida (1), la mantein tolu (3), iha programa distribuisaun sesta bázika maioria la kumpri distánsia hamutuk ualu (8) no iha via públicas la mantein distánsia rua (2).

Gráfiku 3. Evita Aglomerasaun



Gráfiku 3 iha leten amostra evita halo aglomerasaun, maske iha medidas prevensaun mak temi de'it aglomerasaun iha via pública⁵, PDHJ konsidera importante atu monitoriza mós aglomerasaun iha fatin públiku sira hanesan: iha fatin servisu públiku mak detekta ema evita halibur malu hamutuk sanulu-resin-tolu (13), la evita sanulu-resin-ualu (18); iha fatin komérsiu rua (2) la evita halibur malu. Iha merkadu no lojas PDHJ nota katak maioria la evita halibur hamutuk tolu (3), evita ida (1) de'it. Nune'e mós iha programa distribuisaun sesta bázika maioria la evita halibur malu hamutuk ualu (8). Ikus liu, mak via públicas ein jerál la


⁵ Artigu 12.º nú 1 alínea D husi DG Nú. 14/2021

evita halibur malu. Tuir monitorizasaun PDHJ nian rezultadu hatudu katak maske instituisaun rejionais no lideransa komunitária sira fahe ona informasaun kona-ba medidas preventivas COVID-19, maibé comunidade barak maka sei kontinua nafatin la kumprikumpri regras ne'ebé implementa durante EE-13 hodi kontinua nafatin halibur malu iha atividades sira prevee iha DG.

C. Uza Máskara

Durante períodu EE-13, Ekipa PDHJ halo mós monitorizasaun ba kumprimentu comunidade kona-ba uza máskara ne'ebé prevee iha artigu 12 nú. 1 alínea B. husi Dekretu Governu Nú. 14/2021 alteradu husi Dekretu Governu Nú. 15/2021, SS no KO. Rezultadu monitorizasaun ba kumprimentu uza máskara amostra iha gráfiku 4 tuir mai ne'e:

Gráfiku 4. Uza Máskara



Gráfiku 4 demostra katak iha fatin servisu públiku maioria comunidade/funsonária uza máskara hamutuk ruanulu-resin-ida (21) kompara ho la uza sanulu (10). Iha fatin komérsiu rua (2) uza máskara. Nune'e mós iha merkadu fatin tolu (3) uza máskara no la uza máskara ida (1), fatin distribuísau sista bázika maioria uza máskara lima (5) no la uza tolu (3). Maibé iha eventus funerál maioria la kumprikumpri uza máskara fatin ida (1). Nune'e mós iha vias públicas ne'ebé PDHJ halo observaun ba hatudu katak fatin ida (1) uza máskara no la uza máskara fatin ida (1).

D. Fase Liman

Iha implementasaun EE-13 ne'e PDHJ halo mós observaun direta hodi haree comunidade nia obediénsia kona-ba medidas preventivas COVID-19 tuir artigu 12 nú. 1 alínea C. husi Dekretu Governu Nú. 14/2021 alteradu husi Dekretu Governu Nú. 15/2021, SS no KO kona-ba fase liman molok no hafoin hala'o atividades iha fatin públiku no privadu.

Gráfiku 5. Fase liman



Gráfiku 5 hatudu katak ein jerál iha fatin servisu públiku comunidade/funsióariu fase liman hamutuk ruanulu-resin-ida (21) no sanulu (10) maka la fase liman, komérsiu fatin ida (1) maka kumpri maka fase liman no mós la fase liman ida (1), fatin funerál la kumprikumpri fase liman ida (1), merkadu fatin ida (1) kumpri fase liman no tolu (3) la fase liman. Iha fatin distribuisaun sesta bázika maioria benefisiáriu sira la fase liman hamutuk fatin ualu (8) no via públikas fatin rua (2) la fase liman.

E. Devér Jerál Kooperasaun⁶

PDHJ iha períodu implementasaun EE-13 halo monitorizasaun ba iha fatin servisu públiku, sede suku, komérsiu, merkadu no lojas no mós funerál sira iha Munisípiu Baucau, Díli, Liquiça, Manufahi, Viqueque no RAEOA hodi halo observaun kona-ba regras EE no medidas preventivas COVID-19 nune'e mós ba entidades sira. Rezultadu observaun hatudu katak ein jerál comunidade kontinua nafatin la kumpri regras prevensaun COVID-19 maske aplika ona SS no KO ba iha munisípius refere. Hanesan laiha kumprimentus ba distansiamentu iha fatin públiku, la evita halibur malu iha grupu iha vias públicas no la fase liman, maske entidade relevantes fó informasaun ona no prepara ona facilidade fase liman. Maibé iha EE-13 husi observaun, haree katak maioria iha fatin observaun balun comunidade kumpri ona hodi uza máskara.

⁶ Artigu 23.º husi Dekretu Governu Nú. 14/2021

F. Devér Espesiál Kooperasaun ba Responsavel Rejionál, Munisipál no Lideransa Komunitária sira nian⁷

PDHJ halo monitorizasaun kona-ba implementasaun EE-13 relaciona ho devér kooperasaun ba responsavel rejionais no lideransa komunitáriu liuliu durante distribuisaun Programa Sesta Bázika iha sede suku, tuir rezultadu monitorizasaun hatudu katak entidades relevante sira iha duni komitmentu atu fahe informasaun nafatin kona-ba medidas preventivas COVID-19 molok hahú distribuisaun tuir artigu ne'ebé hatuur iha Dekretu Governu. Maibé iha terenu comunidade kontinua la kumprikumpri regras EE hanesan distansiamentu sosiál, la evita halo aglomerasaun, la uza máskara no la fase liman maske iha fatin públiku iha fasilidade hodi fase liman no mós entidades relevantes fahe ona informasaun.

G. Asuntu sira seluk

Aleinde monitoriza medidas preventivas iha EE-13, PDHJ mós halo monitorizasaun ba asuntu sira hanesan tuir mai ne'e:

Impaktu ekonomiku husi EE, SS, KO

Tuir observaun PDHJ nian, comunidade sira ne'ebé maka nia rendimentu hetan husi atividade loron-loron hasoru problema hanesan notisia ne'ebé publika iha media sosiál kona-ba kasal nain rua ne'ebé maka atu peñor sira-nia oan tanba laiha osan atu selu hela fatin. No mós comunidade balun hahu enfrenta falta aihan hanesan iha Suku Bahu, Munisípiu Baucau, no Suku Wenunu Administrativu Metinara tanba aplikasaun husi regras SS no KO ne'ebé laiha meius apropriadu atu responde ba nesesidade comunidade sira ne'ebé maka nia rendimentu diária no sira nia servisu fatin hetan suspensaun durante aplikasaun EE-13.

Iha implementasaun EE-13 ho impozisaun KO no SS mak PDHJ observa katak comunidade balun komesa falta aihan, menus rendimentu no nesesidade bázika loron-loron nian. PDHJ konsidera situasaun ne'ebé mak povu hasoru ne'e difisil, tanba ne'e mak ekipa PDHJ nia ba halo monitorizasaun iha fatin distribuisaun aihan husi Parókia Maria Auxiliadora Comoro hodi observa katak iha ema barak mak ba husu aihan iha ne'eba, no observa mós iha média sosial katak populasaun balun mak halerik tanba falta aihan no osan.

Relaciona ho situasaun hamlaha ne'ebé povu infrenta mak PDHJ haruka karta ho Ref nú. 114/ PDHJ/VI/2021 hodi aneksa mós ho relatóriu monitorizasaun ba situasaun refere ba SE. Primeiru-Ministru hodi halo intervensaun atu garante direitu sidadaun hotu-hotu nian ba alimentasaun no atu aseguara, tuir prinsipiu governasaun di'ak, katak fõti ka halo desizaun ba implementasaun ba política no atividades ho maneira ida ne'ebé efetiva, efisiente, lejítima no justa, hodi aseguara prosesu governasaun prienxe duni nesesidades povu nian no promove sira-nia direitu.

⁷ Artigu 24.º husi Dekretu Governu Nú. 14/2021

Direitu ba edukasaun:

Tuir observasaun ne'ebé PDHJ akompaña husi media no haree katak ema barak mak laiha asesu ba aula online tanba laiha internet no seluk tan, liuliu estudante sira ne'ebé iha area rurais.

Preokupasaun seluk ne'ebé maka sei kontinua nafatin maka hanesan seidauk iha meius ne'ebé própriu hodi fasilita estudante iha Timor hodi bele asesu ka akompaña hodi aprende ka eskola husi uma ho di'ak no laiha impedimentu hodi nune'e garante nafatin estudante hotu sira nia direitu ba edukasaun.

Atendementu iha Hospital no paciente COVID-19

Tuir monitorizasaun PDHJ mós haree katak atendementu iha Sentru Saúde no Hospital nian ne'ebé halo swab antes atu hetan atendementu iha hospital ne'ebé halo atendementu ba paciente neneik, ne'e fo risku tebes ba paciente sira ne'ebé iha kondisaun emerjénsia no inan isin rua sira ne'ebé atu tur ahi atu.

Iha observasaun ne'e PDHJ nota katak liñas koordenasaun entre parte relevantes seidauk hala'o ho di'ak hodi fô informasaun ba inan isin rua sira ne'ebé maka halo kontrolu iha sentru saúde kona-ba swab test semana ida antes atu partus. Iha sorin seluk, bazeia PDHJ nia esperiênsia kona-ba Swab test obrigatóriu, hafoin rezultadu test sai, familia paciente pozitivu laiha informasaun husi parte relevantes kona-ba swab test ba membru família sira. Nune'e mos paciente ne'ebé halo auto izolamentu iha uma laiha kontaktu husi parte relevante atu halo inspeksaun ba hela fatin no atensaun ba paciente nia kondisaun saúde.

Diseminasaun Informasaun kona-ba COVID-19

PDHJ observa katak sosializasaun ka promosaun kona-ba vasina no moras COVID-19 rasik husi parte relevantes hanesan Ministériu Saúde liuliu husi SIJK no parte seluk la masimu atu sensibiliza konxiênsia komún hodi hamutuk luta hasoru moris COVID-19 no hamate virus COVID-19 ne'ebé hada'et komuntária ona iha Timor-leste. Tan ne'e, iha nafatin impedimentu seluk ne'ebé PDHJ nota iha EE ne'e, maka comunidade barak maka seidauk iha konfiansa másimu ba programa vasina no laiha antusiasmu husi comunidade atu ba simu vasina .

Fasilidades

PDHJ detekta durante implementasaun EE-13 maka kuantidade fasilidade iha fatin karantina no izolamentu kontinua limitadu no mós kualidade husi fatin refere sai preokupasaun tanba número paciente pozitivu COVID-19 kontinua aumenta. Maske iha EE-12 PDHJ apresenta ona ba Governu liu husi parte relevantes kona-ba problema asuntu fasilidade liuliu iha fatin kuarantina no izolamentu ba paciente COVID-19 ne'ebé la haketak kuartu no haris fatin entre feto ho mane nomos sistema kontrolu iha fatin karantina la masimu.

Dezafiu seluk tan maka prizioneiru iha Prizaun Bekora ne'ebé detetadu moras COVID-19 no ikus mai mate ho COVID-19 hodi hatudu katak sei fô risku boot ba prizioneiru sira seluk tanba kondisaun mak la favoravel atu halo prevensaun tanba sira uza fasilidade hamutuk no mós ida ne'e akontese tanba ladun iha kontrolu ne'ebé másimu hodi halo prevensaun COVID-19 husi guarda prizioneiru ka ofisiál prizaun sira. Nune'e mos fatin ba presu sira hodi izola presu ne'ebé maka detetadu moras COVID-19 la suficiente.

Uza forsa esesiva

Iha EE-13 ne'e autoridade seguransa liuliu PNTL ezejuta orden iha terenu atu halo kontrolu ba kumprimentu regras EE nian ne'ebé halo sosializasaun ka atua lahó pasífiku hasoru comunidade sira ne'ebé mak la kumpri regras EE. Realidade, ajentes balun atua ho forsa esesiva hodi halo agresaun fízika ba comunidade balun hanesan kazu ne'ebé PDHJ monitoriza no akompaña husi media sosial kona-ba atuasaun husi autoridade seguransa liuliu PNTL ne'ebé uza forsa bainhira atua hasoru sidadaun sira no obriga ho forsa atu kumpri regras EE nian ne'ebé viola ona regras EE-13 liuliu iha artigu 5.

Tan ne'e, iha periodu EE-13 mak PDHJ haruka ona karta ba SE, Primeiru-Ministru hanesan mós Ministru Interiór no mós ba Komandante PNTL, liuhusi karta ho nú. **Ref: 103/PDHJ/5/2021** ba kazu PNTL ne'ebé halo agresaun ba comunidade sira wainhira halo vijilánsia ba implementasaun EE-13 mak hanesan kazu hasoru vendedores ambulante sira iha pontu entrada Tasitolu; hasoru negosiante iha Suai no hasoru traballadór iha Kuluhun, hodi rekomenda atu loke prosesu investigasaun ba ajentes refere, PDHJ mos halo apresiasaun no loke investigasaun ba violasaun DH no BG ba akontesimentu hirak ne'e.


PARTE III – ATIVIDADE PDHJ

PDHJ bazeia ba nia knaar no kompeténsia ne'ebé hatuur iha Konstituisaun RDTL no Estatutu PDHJ, iha implementasaun EE-13 ne'e kontinua hala'o atividades hanesan simu kesar, halo monitorizasaun no rekomendasaun.

A. Tratamentu Kesar

Durante implementasaun EE-13 PDHJ kontinua nafatin simu kesar husi comunidade kona-ba violasaun direitos umanus no governasaun di'ak ne'ebé akontese durante aplikasaun medidas regras EE-13. Dadus detalladu hatudu iha gráfiku 6 tuir mai ne'e:

Gráfiku 6. Tratamentu Keixa



Gráfiku 6 ne'ebé amostra iha leten hatudu keixa ne'ebé PDHJ simu durante implementasaun EE-13, ho totalidade hamutuk sanulu-resin-tolu (13) ne'ebé kompostu husi keixa ho indísus violasaun direitus umanus hamutuk (8) ne'ebé aumenta kompara ho EE-12, nune'e mós indísus violasaun governasaun di'ak aumenta ba lima (5). Keixa hirak ne'ebé PDHJ simu iha periodu EE-13 nia detallu maka hanesan maioria keixa hato'o husi mane hamutuk sanulu resin ida (11) no husi feto rua (2) de'it. Meius hato'o keixa hirak ne'e liuhusi meus oin-oin hanesan husi nain rasik sia (9), husi karta rua (2) no telefone rua (2). Husi gráfiku 6 amostra katak durante EE-13 keixa sira ne'e maioria hato'o husi DT tolu (3) hanesan Dili nain hitu (7), DT Baucau nain haat (4) no RAEOA nain rua (2). Aleinde ne'e gráfiku refere demonstra katak indísus violasaun direitus umanus aumenta ne'e hatudu katak durante implementasaun EE-13 autoridade seguransa sira halo kontrolu ba comunidade sira laho profesionalidade no ho agresaun fíziku. Rezultadu husi dados keixa ne'ebé hatudu katak aktus husi poderes públikus sira, liuliu forsa seguransa la halo ho proporsionál wainhira atua ba sidadaun sira hodi kumprikumpri regras EE nian. Ne'e hatudu katak viola ona regras EE-13 artigu 5.

B. Monitorizasaun

Iha implementasaun EE-13 ne'e PDHJ halo observasaun ba asuntu sira ne'ebé maka regula iha Dekretu Governu 14/2021, 29 Abril, relaciona ho Medida Ezekusaun ba Deklarasaun EE-13, espesifikamente iha artigu 12.º (*Regras de distanciamento social*), artigu 23.º (*Dever geral de cooperação*) no mós artigu 24.º (*Dever especial de cooperação dos responsáveis regionais, municipais e lideranças comunitárias*). Nune'e, halo monitorizasaun mós ba RG sira kona-ba SS ho KO ne'ebé mak refere ba Tabela iha pájina 5.

C. Intervensaun urjente liu husi rekomendasaun espesífika ba entidade sira

Hahú kedas husi EE-1 to'o mai EE-13, PDHJ kontinua nafatin halo rekomendasaun, tratamentu ba kesar no mós PDHJ uza nia poder hodi halo mós intervensaun urjente ba entidades públicas sira hodi husu atuasaun ne'ebê respeita ba prinsipiu direitus umanus no governasaun di'ak. PDHJ iha períodu aplikasaun EE-13 halo mós intervensaun liuhusi ható'o relatóriu no mós enkamiña keixa ba autoridades relevante sira. Intervensaun hirak ne'e maka PDHJ halo durante EE-13.

Dili, 24 Juñu 2021


Jesuina Maria Ferreira Gomes, MPA

Provedora



PARTE IV – TABELA I. REKOMENDASAUN HOSI PDHJ DURANTE ESTADU EMERJÉNSIA

ENTIDADE PÚBLICA

TIPU REKOMENDASAUN REKOMENDASAUN

Prevensaun – Distansiamentu sosiál

MTC

MS

MI

Dezenvolve regulamentu ka

Sistema kontrolu

PDHJ iha EE-13 kontinua rekomena ba Governu hodi kontinua fô atensaun másimu atu determina instrusaun klaru ba entidades públicas sira hodi kontinua promove sistema kontrolu iha pontu entrada sira hanesan: fronteira terrestre Mota-Ain, Mota-Masin, Sakato, Oesilo, portu, no aeroportu, no mós kontinua suporta facilidades no ekipamentus nesesáriu ba edifisiu ne'ebé fô atendumtu públiku hodi asegura implementasaun regra prevensaun COVID-19.

MAE

Lideransa komunitáriu

Kumprimentu ba regras

Estadu Emerjénsia

PDHJ mós kontinua rekomena nafatin ba Governu partikularmente MAE hodi fô nafatin orientaunsaun klaru ba lider komunitáriu sira hodi kontinua nafatin disemina informaunsaun ba medidas preventivas Covid-19 ba comunidade. Desiminaunsaun persuasive ba comunidade kona-ba protokolu ne'ebé hala'o iha sentru saude, ospital, kuarantena no mós izolamentu no mós protokolu prosesu funerál ema ne'ebé mate ho no tanba COVID-19, hodi hasae comunidade nia konhesimentu nune'e bele hametin comunidade nia fiar hodi bele kontribui ba programa hakotu korenti COVID-19 iha Timor-Leste.

PDHJ mós rekomena ba MAE servisu hamutuk ho autoridade lokal hanesan xefe suku, xefe aldeia atu halo dadus ne'ebé própriu no loloos kona-ba comunidade/traballador lojas konstruksaun/mobiliária sira ne'ebé maka nia rendimentu hetan diariamente, hodi nune'e bele hatán ba comunidade refere nia nesesidade bázik bainhira suspende atividades hirak ne'e iha implementasaun EE tuir mai.

MS

MI

MOP

Dezenvolve regulamentu ka sistema kontrolu no fornese ekipamentus no facilidades

PDHJ rekomena ba Governu espesifikamente ministériu relevante sira hodi kria mekanizmu ida ne'ebé bele garante kapasidade hodi kontrola propagaunsaun moras COVID-19 iha Timor-Leste ne'ebé iha transmisaun lokal, no mós kontinua refora instalasaun ekipamentu prevensaun Covid-19, iha pontu entrada sira hanesan portu, aeroportu, fronteira terrestre, merkadu, edifisiu públiku, no fornese ekipamentu no facilidades apoiu iha sentru saude sira ne'ebé servisu iha linha fronteira, inklui fornese máskara no fasilita bee ba tanki sira ne'ebé instala ona iha EE-1 to'o EE-12. Haree ba número kazu ne'ebé kontinua aumenta nune'e nafatin rekomena ba Governu atu aumenta fatin izolamentu atu bele akomoda pasiente sira.

Entidade fiscalizadór (MEJD, MSSl, MOP ...)	Kumprimentu regra EE no instalasaun facilidades Garante asesu ba rekursu ka facilidade no mós kumprimentu ba regra medidas preventivas COVID-19	PDHJ kontinua rekomena ba Governu liuliu ba Ministériu sira ne'ebé iha serbisu kona-ba atendimentu publiku nian (hanesan Ministériu Solidariedade Sosiál no Inkluzau, Ministériu Saúde, Ministériu Obras Públicas no Ministériu Edukasaun, Juventude e Desportu, nst) atu kontinua fó instrusaun espesífika ba entidade pública sira hodi estabelese instalasaun tanke no bee disponivel iha fatin públiku sira, fornecimentu máskara no indika pesoál movel hodi haforsa sistema kontrolu iha fatin instalasaun sira. PDHJ kontinua rekomena ba Governu hodi fornese ekipamentus ka facilidades ba protesaun hanesan máskara, <i>hand sanitizer/alcol</i> ba sidadaun sira liuliu sira ne'ebé kbi'it la'ek no estudante sira no mós firme nafatin hodi rekomena ba autoridade pública sira hodi kontinua halo kontrolu no manutensaun ba iha facilidades ne'ebé instala ona tuir padraun hosi organizaasaun saúde mundiál, no mós kumprikumpri hodi mantein distansiamentu sosiál no evita halibur malu iha grupu. PDHJ mós rekomena ba MSSl atu kria kondisaun hanesan prepara dadus ne'ebé apropriadu liuhusi via online, halo kontrolu ba autoridade seguransa iha prosesu atendimentu, fó quota numeru loron ida atende tuir quota, nune'e mós molok hahu fó avizu nafatin informaasaun prevensaun COVID-19 hodi ne'ebé bele facilita atendimentu ba beneficiariu evita aglomeraasaun iha fatin públiku no kumprikumpri regras EE liuliu regras prevensaun ba COVID-19.
SECOMS MEJD MS PA-RAEOA	Asesu ba Informasaun	PDHJ kontinua nafatin rekomena ba Governu atu intensifika informaasaun iha nível comunidade no uza métodu ne'ebé bele iha impaktu pozitivu muda comunidade nia halalok atu bele prevene hada'et moras COVID-19 ho susesu rekomena mós ba Prezidente Autoridade RAEOA atu iha kompromisu hodi fó instrusaun ba lider komunitariu sira hodi kontinua disemina regras Estadu Emerjénsia relasiona ho medidas preventivas COVID-19 ba comunidade RAEOA. PDHJ rekomena ba Governu atu garante katak informaasaun kona-ba sidadaun nia identidade iha konfinamentu obrigatóriu bele fó sai de'it bainhira iha autorizasaun ka konsentimentu hosi sidadaun refere. PDHJ nafatin kontinua rekomena ba Governu partikularmente ba (<i>Ministério Dos Assuntos Parlamentares E Comunicação Social</i>) hodi kontinua promove koñesimentu hosi responsável mídia ba fatin kuarentena sira kona-ba prinsipiu autorizasaun ka konsentimentu hosi ema privadu nian atu hetan filmajen no fó sai informaasaun kona-ba ninia situaasaun saúde nian sei depende ba autorizasaun ida-idak nian. PDHJ sujere ba MAPCOMS atu kria meius ida atu hamenus informaasaun falsu ne'ebé
MS, CIGC, SECOMS, MAPCOMS	Respeita direitu privasidade Responsabilizasaun	

espalla buras iha rai laran kona-ba COVID-19 iha Timor-Leste no mós relasiona ho vasina.

Direitu ba Asisténsia Médika iha Ámbitu Jerál

PA-RAEOA

Garante asesu ba servisu públiku

PDHJ rekomena ba Governu, liu-liu autoridade RAEOA, tenke garante funcionamentu ba facilidade saúde iha pontu entrada sira hanesan portu Kitahara Mahata, fronteira Sakato, no Oesilo, no populasau RAEOA einjerál.

MS no CGC

Haforsa kapasidade

PDHJ iha EE-13 rekomena nafatin ba Governu hodi kontinua hadi'ak liu tan servisu hanesan facilidade kuarentena hodi garante tratamentu dignu, kondisaun di'ak no promove preparaun hosi autoridade saúde no mós iha orientasaun klaru kona-ba disponibilidade ai-moruk, tratamentu no ai-han ne'ebé bele garante sidaun nia saúde durante tempu iha kuarentena. Nune'e mós PDHJ rekomena nafatin iha EE-13 atu Governu planeia hodi sosa materiais prevensaun hodi distribui ba facilidades saúde iha territóriu laran inklui eskola sira nível primária to'o superior.

PDHJ rekomena atu halo rekrutamentu ba ofisial saúde hodi bele responde atendimentu ba pasiente sira liuliu ba pasiente sira ho moras COVID-19 iha sentru saude hotu-hotu iha Timor laran.

Direitu ba Ai-han, Moris Adekuadu no Direitu Traballu

Implementasaun efetivu ba atividade/planu

Durante implementasaun EE-13 PDHJ kontinua rekomena nafatin ba Governu partikularmente ba MSSJ hodi garante ajuda umanitária, hanesan ai-han báziku ba ema vulnerável sira.

Moris la ho Violénsia no Asesu ba Justisa

MI

PNTL

Haforsa kapasidade no kuantidade

EE-13 PDHJ realfina nafatin hodi rekomena tan ba Komandu Jerál PNTL atu kontinua promove koñesimentu PNTL ba nesidade hodi mantein no hametin aplikasaun prinsipiu polistamentu komunitáriu, liuhusi kria komunikasaun di'ak ho komidade no atensaun espesial ba membru komidade sira ne'ebé vulnerável liu.

PDHJ mós kontinua rekomena nafatin ba Governu espesifikamente Ministeriu Interior atu iha sesaun treinamentu ba ofisiais polisia kona-ba kumprimentu ba leis no kontinua fó instrusaun klaru ba subordinadu bainhira kumprikumpri misaun servisu iha terrenu.

Iha EE-13, PDHJ mós komprometidu hodi rekomena ba (MI) espesialmente PNTL hodi bele aumenta personil UPF iha fronteira hodi garante katak laiha movimentu ilegal.

PDHJ mós rekomena nafatin iha EE-13 ba Ministeriu Saúde hodi kontinua desimina medidas preventivas COVID-19 hodi hasae konxiénsia komidade ho servisu hamutuk MI partikularmente ba PNTL hodi kontinua halo kontrolu ba aplikasaun medidas preventivas COVID-19 ho profisionalidade la ho aktu violasaun direitus umanu.

Asesu ba Edukasaun

MEJD

Dezenvolve regulamentu ka sistema

PDHJ komprometidu iha EE-13 hodi rekomenda ba Governu liuhosi MEJD hodi esforsu atu promove eskola sira-nia kapasidade no mantein disiplina hosi estudante sira bele kumprikumpri regra medidas preventivas ba COVID-19. Para aleinde ne'e, rekomenda nafatin mos ba MEJD hodi garante katak iha orsamentu disponivel ba iha setor edukasaun hodi sosa materiais prevensaun COVID-19 no fornese facilidades ba iha kada eskola tantu nivel primaria to'o nivel superior. Iha sorin seluk, PDHJ kontinua rekomenda nafatin ba Ministériu Edukasaun Juventude Desportu atu mantein oras hanorin (online/prezensial) ba estudante sira iha ámbitu pandemia COVID-19.

Atendimento Público

MS

Garante asesu ba rekursus materiais

PDHJ rekomenda ba MS atu kontinua nafatin fó apoiu materiais prevensaun COVID-19 ba sentru saúde, postu saúde no ospital referál sira iha munisípiu hotu hanesan máskara, hand sanitaizer no termu scanner.

Desiminaasaun Informasaun

PDHJ rekomenda mos ba MS ho SIJK atu halo desiminaasaun informasaun ne'eb kona-ba protokolu atendimento ba pasiente iha sentru saúde no hospital no mos esplikasaun klean kona-ba pasiente ne'ebé mate tanba no ho COVID-19 no mos hadi ak prosesu funeral ba ema ne'ebé mate tanba COVID-19 ho dignu tuir protokolo OMS maibe fó importansia ba kultura.

PDHJ mos rekomenda ba SIJK liliu pilar relevante atu konsidera rezultadu test swab sai hanesan Guia da Marcha bainhira halo movimentu sai ba munisípiu seluk hodi bele evita konsentrasaun ka aglomerasaun iha CCD hodi hetan guia da marcha.

Aleinde ne'e, PDHJ mos hakarak kontinua rekomenda MS atu hare fila fali aplikasaun protokolu iha sentru saúde no ospital bainhira halo atendimento ba pasiente ho kondisaun grave ne'ebé presiza atendimento emergencia ho rapida.

SAS

Garante asesu ba bee-moos

PDHJ rekomenda nafatin ba Governu atu dezenvolve estratéjia ida ne'ebé bele halaís asesu ba bee moos ba ema hotu-hotu no garante katak comunidade tomak sei iha asesu ba bee moos atu hatan ba nesiedade uma laran no ijene.

Akresenta mos iha EE-13 ba Governu espesifikamente SAS atu halo planu no prevee orsamentu hodi instala bee moos ba eskola sira, edifisio publiku iha territóriu laran atu kontribui ba ema moris di'ak no ijene no indika responsavel espesifiku hodi halo kontrolu ba instalasaun sira ne'ebé estabelecidu.

PARTE V - TABELA II. FATIN MONITORIZASAUN

Nú	Suku	Komersiu	Servisu Publiku	Funéral	Merkadu	Via Publikas	Transporte Publikus	Relijiosa
1	Cunha, RAEOA	Supermerkadu Dili Mart	DNTT Akanunu	Raimanhein Aldeia Aiceo	Merkadu Terminal Bekora	Komoro		
2	Suku Banafi, RAEOA	Supermerkadu Leader	CNE, Dili		Merkadu mini Elemloi	Tasi Tolu		
3	Aldeia Mahata, RAEOA		Academia PNTH, Dili		Merkadu Elemloi			
4	Oebaha, RAEOA		INSS (Instituto solidariedade sosial - MISSI, Dili		Merkadu Munisipal Liqica			
5	Komoro Aldeia Sao Jose Aimeu Laran		MSS diresaun nasional seguransa sosial					
6	Uma Ain Leten, Viqueque		Postu administrativu Balibo Aldeia Bemalae iha Lagoa Tasi metan					
7	Bobometo, RAEOA		Institusaun seguransa sosial, Dili					

8	Usi Tsae, RAE/OA		Sentru saude bazariete, Liqiuça						
9	Mascaerenha s, Dili		Sentru Saude Enternamentu Liquça HOREX, Baucou						
10	Wenunu Metinaro, Dili		CCB, Baucou						
11	Komoro, Dili		Sentru Saude Buruma, Baucou						
12	Bahu, Baucou		BNCTL, Baucou						
13	Suku Bucoli, Baucou		Eskola Sekundaria geral Nu 1 no Nu 2, Baucou						
14			Sentru Saude Bucoli, Baucou						
15			Armajen GOR, Baucou						
16			Armajen Andi Makmur, Baucou						
17			CSS-MB, Baucou						

18			Edukasaun Munisipiu, Baucau						
19			Izolamento Hotel DOM, Casa Cores, Tato Toty no Eix-SPK, Baucau						
20			Sentru Saude Uatili, Baucau						
21			Postu Saude Gariuai, Baucau						
22			Hospital Saude Munisipiu Manufahi						
23			Sentru Saude Ludiki Suku Letefoho Manufahi						
24			Salaun Administrasaun Munisipiu Manufahi						
25			Servisu Saude Munisipiu Bobonaro						
26			MSSI Baucau						
27			Uma Mahon Same, Manufahi						